

乾隆三水縣志

三水古國地具風俗物產詳於七月一篇秦漢來如司空倫乎  
軍琦范廣支祥與閣學育文參議在中政事文章後先輝映皆  
在國史顧其間沿革損益暨里黨之側身修行不以時蒐輯排  
纂之其奚以勸學惟

邑侯林公修於萬歷辛巳訖康熙丁巳距今又百餘年

齊公曉航者以壬寅攝篆於茲閱舊志而有感焉俾春生等任  
採訪自惟末學惛惛不勝是懼癸卯夏未竣事而公有石泉之  
補而我

心銘葛公至公之下車也心勞燕字凡不便於民者力爲裁省  
又念積貯所以備荒社倉民命牧圉比年耗饑他日大爲民累  
公勸諭開導而前之拖避者率輸將恐後焉茲復親履郊垌相  
土田察汙水之可資灌溉者已約數百餘頃俟

憲批施行吁嗟公勤矣而訟庭清閒載取舊稿校讐之正其  
別其繁不支蔓不罣漏後之撫斯土者覽斯志也因地制宜  
求民隱則是編其左券也

志生等生逢

盛世亦得於築場納稼之餘燕羊朋酒以觀公德化之成云

邑

貢生家春生謹識

馬斯彦

### 三水縣志序

兵部郎兼通鑑院右副都御史巡撫陝西等處地方劉繼文等謹撰  
志之體例出于括地志元和郡縣志太平寰宇記長安志外此  
宋元人著作地理亦可觀也世稱武功志及朝邑志然朝邑大  
縣嫌其篇幅太窄武功志以蘇若蘭文爲首卷亦非方志之體  
縣志之善必求諸唐宋人乎三水縣稍僻羌無故實舊志疏畧  
尤甚知縣葛君到官以來政平民和百廢具舉因言其地精神  
耆老好尚文雅念

皇朝厚澤深仁重熙累洽自一縣官師制度法良意美及孝悌  
節烈拔科中策之士蒸蒸焉月異而日新不可無紀載以表宣  
時而示來世適有陽湖孫明經所學該博負一時盛望因屬撰  
成之予覽其文實能考書傳之故事刪舊文之猥冗其以藝文

分隸各部及刺取書傳必載所出皆宋元人方志之法異乎流俗之爲之也藝文則載其有關政事者餘概從削又獲于予心故爲序而行之志凡十卷十四部縣譜一故城二國城鄉鎮亭堡砦三山屬四水屬五城署關橋坊古址六壇廟寺觀墓七職官八地丁錢糧九兵防十名人十一列女十二科貢十三封贈十四孫君著述之簡而有法如此恐有議其簡者予爲道其體例云

### 新修三水縣志序

王阮亭云近世志書能文簡事覈訓詞爾雅無如康對山之武功志其他若呂涇野志高陵等十餘種猶有黃圖決錄之遺焉同時人又謂史志務在簡核方志務在詳核一事不舉將有挂漏之弊其說若兩岐而余謂志猶史也史固隨時而變例志亦

因地以制宜若宋子京之修唐書事增於前辭省於舊識  
之餘謁選初得盤屋奉檄供備時調省武功嗣以銷穀循例復

職  
奏留歲事軍需代篆永壽尋補沔縣赴

關得蒙

恩允旋於太華道中適奉內諱茲復重來歷署安定高陵及承  
乏三水所至之邑往往稽其形勢典章察其民生土俗誠覽往  
志之文辭究無逾於武功高陵之右者洵乎前賢之論不誣矣  
三水古豳也又以泃水得名按說文引爾雅曰西爲泃國謂四  
極汎西極之水也邑誠僻壤矣然而公劉鄆伯之所安集邠焉  
焉異之所規圖卽產斯土者第五倫第五琦文彥博之流風遠  
韻猶存也志修于康熙丁巳舉行者邑令溫梅林公達泰經纂

者邑人司李文君倬天順斐然可觀迄今逾百載矣我

朝重熙累洽已徵比戶可封

皇上教養涵濡北庭以北西隸以西咸隸版圖澤洋恩溥羣生  
靡不得所况近在關輔者乎近奉大中丞畢公檄重修此志凡  
城池衙署書院廟宇橋梁之繕葺新建地糧之減戶口之增驛  
站課程之裁解鹽茶法更定職官科目德行藝文之宜黜補者  
選邑之紳士考訂而增益之裝時之闕如者燦然大備其于考  
古似較康呂兩公精核焉蓋遵史傳之法不失簡核之規他日  
者得周漢唐宋之人材以仰承

聖天子久道化成之治并叨茲開府公升猷永世之休爲茲邑  
增輝且將以是志就正博雅君子也乾隆五十年歲次乙巳正  
月上元日山右葛德新書

水經

卷一

縣志

故城

縣志

卷二

山陽

水經

卷三

城野

卷四

壇廟



卷五

錢幣八

卷六

地丁錢糧九

卷七

兵防十

卷八

名人十一

卷九

詩文十二

卷十

雜貨十三

卷十一

圖序十四

三水縣志目錄

三水縣志卷一

知縣為德新王修

陽湖孫星

縣譜一

三水縣後魏置二漢曰栒邑屬右扶風疑亦高平爰得二縣

証見故城章魏晉以來不著栒邑蓋卽汾邑後魏置三水縣取漢

名屬新平郡西魏置恆州尋廢隋屬北地郡開皇三年郡廢以

縣屬幽州唐因之爲繁縣天寶元年改州爲郡屬新平郡宋屬

邠州爲上縣金同元至元七年省縣入淳化明成化十三年九

月復析淳化置三水屬邠州爲僻簡下縣

國朝因之爲簡縣屬直隸邠州今考史傳所紀具于左又漢有

三水縣其治在今甘肅涇州非此也魏收李吉甫樂史俱以爲

卽後魏三水者誤今亦具于左而加證焉

班固地理志右扶風縣有枸邑

李善注文選引此云右扶風拘縣拘與郿同又作拘

又安定郡縣有三水屬國都尉治莽曰廣延亭

元和郡縣志三水縣本漢舊縣以縣界有羅川谷三泉並流故以爲名

太平寰宇記云云同

星衍校漢三水縣治在今甘肅涇州是唐朱良原縣故元和郡縣志云良原縣本漢三水縣地屬安定郡今安定縣界三水故城是也今三水縣實漢枸邑縣自後魏取漢三水縣名移治于此耳魏收李吉甫樂史卽以爲漢縣非

又按舊志云漢景帝二年循郿侯之封置郿邑又云永光元年置三水縣不知所出

右漢

司馬遷郡國志右扶風城有栒邑

又安定郡城有三水

魏收地理志三水二漢屬安定

是衍按魏時三水移治實漢栒邑而收所云當以循漢舊行故耳

右後漢

元和郡縣志魏改三水縣爲西川縣亦屬安定

太平寰宇記云云同

是衍按此亦漢三水改名西川與漢栒邑之是今三水者無與以李吉甫樂史載在三水下今亦排焉栒邑縣自魏以來書傳不著晉書地理志新平郡栒邑疑卽栒改名也

右魏

晉書地理志新平郡有汾邑

魏收地形志三水晉罷

是衍按太平寰宇記云邠邑原上有枸邑故城則卽晉汾邑也

右晉

魏收地形志新平郡領縣有三水云二漢屬安定晉罷後復屬  
元和郡縣志後魏今縣理西二十八里重置三水縣取漢舊石  
屬新平

太平寰宇記後魏初于今縣西二十八里置三水縣復漢舊名  
屬新平郡

又太統十四年移縣于今邠州東三里新平故郡白馬堡

是衍按魏收亦以魏三水爲卽漢縣亦誤李吉甫集史言是

在魏

隋書地理志三水 山號置三州尋廢

右西魏

隋書地理志北地 統縣有三水

元和郡縣志隋開皇三年以縣屬幽州

太平寰宇記隋開皇三年移理于幽州西北十五里城大業元年自故縣城移于今理

又北地郡義寧元年領三水二年以三水屬新平郡

左隋

劉涓子唐書地理志邠州領縣有三水隋縣

元和郡縣志邠州管縣有三水緊

新唐書地理志邠州縣有三水緊

元和郡縣志開皇三年以縣屬幽州皇朝因之



太平寰宇記唐武德元年以新平郡爲幽州三水縣屬焉  
又元和二年移縣於隴堡下舊城初大厯中吐蕃焚縣城又移  
堡上人民不便爲幽帥郭釗所請復移下之

右唐

太平寰宇記邠州元領縣有三水縣

文獻通考邠州三水後魏縣

宋史地理志邠州縣有三水上

右宋

金史地理志邠州縣有三水

右金

元史地理志淳化云至元七年省三水入本縣

王圻續文獻通考淳化云元至元中併三水入縣

右元

續文獻通考邠州三水本淳化縣地本朝成化

四字今本刪誤作宋淳化

四年析置

明史地理志邠州三水云州東北成化十三年九月析淳化縣

置

明經三水裁併附下

此圖今見影寫本刊本不存

右明

故城二

三水縣自漢以來凡五移治皆見地理書有故城漢栒邑其漢

三水城則在甘肅涇州西南舊志以爲盧芳所居是誤以漢三

水爲在此也邠州志云三水有高平里有原得里高平爰得是

漢縣名屬安定與今里名同疑卽漢二縣故城所在魏收地形

志云高平有石門山此山在三水境亦可証知高平當在境內也但後漢書注云漢高平卽今原州則當在今甘肅固原州界恐是後魏時移漢縣于此耳爰得縣志史又載在新平而與三水接界既有原得里原爰音相近其故城爲在縣境無疑也此二縣故城者今時地理家俱不及著今具于左

章懷太子賢後漢書注枸邑故城在今幽州三水縣北枸音句元和郡縣志三水縣枸邑故城在縣東二十五里卽漢枸邑縣縣右扶風古郿國也

太平寰宇記今縣東北二十五里郿邑原上有枸邑故城卽漢

宋敏求引三輔黃圖云郿邑城在縣治東二十五里

是衍按今三水城又在唐宋治西可五里則古枸邑城當在今

縣東三十里

右白灼邑治

元和郡縣志後魏于今縣理西二十八里重置三水縣

太平寶字記云云同

星衍按當在今縣西二十三里

右魏治

太平寰宇記三水縣大統十四年移縣于今邠州東三里新平

故郡白馬堡

星衍按當在今邠州

右大統移治

平寰宇記三水縣隋開皇三年移理於邠州西北十五里城

右隋治

太平寰宇記三水縣大統業元年自故郡城移於今理

元和郡縣志三水縣西南至州六十里

太平寰宇記邠州三水縣東北六十里

明邠州志舊三水城在縣東五里東西八里南北三里遺址門  
落臺基俱存

舊縣志三水舊城東西六里南北半之遺址尙存

右大業移治及唐宋治

太平寰宇記元和十二年移縣於隴堡下舊城初大歷初吐蕃  
焚縣城又移堡上人民不便爲邠帥郭釗所請復移下之

舊縣志職田鎮在縣東北三十里唐時以爲縣至憲宗復移舊

治

唐鄭谷春過邠邑詩云百里花封俗化淳名蹟

谷評白虎藏巖洞地湧金泉過石門舊縣城類三水鎮故家  
樹老五林邨碑殘墮落夫人冢苔蘚年年長淚痕又云一脈  
清流何所之紫莎漱蘚入僧池雲邊野客尋來處石上寒猿  
日落時聚沫遶槎殘雪在迸流穿樹墜花隨烟春雨晚閒吟  
後不復重遊黃鳥紙

右元和大歷移治

地理志安定郡縣有高平莽曰鋪陸

地形志新平郡領縣有高平二漢屬安定晉罷後復屬

明邠州志三水有高平里

星衍案漢高平治當在今甘肅固原州故章懷太子賢注後漢  
書云卽今原州也今三水有高平里若恐是北魏時移治于此  
以地形志云高平有石門山知之

右漢高平治

地理志安定郡縣有爰得

地理志新平郡領縣有爰得前漢屬安定後漢晉罷後復屬

太平寰宇記新平縣有爰得城漢書地理志云爰得縣屬安定

郡後漢省即此城也

明祁州志三水有源得里

星衍按原爰字音同當即漢及後魏治

右漢爰得治

國城鄉鎮亭 卷三

幽國之在初 見班固地理志而許叔重說文反以爲在美陽

則所紀乃大 之遷居也漢王泰又以爲在新平則以接壤而

錄也拘邑之 不知所始應劭以爲周祁國臣瓚据竹書以辨

其非師古稱其善甚是而李吉甫樂史猶承應說之謬何也不  
劉昭所稱劉邑魏收所謂隋意城等皆當在此縣而無可考或  
以接壤入他縣界中或是俗失其名俱所不詳今以書傳加詳  
于左

毛詩國風幽七月章七月流火九月授衣一之日觴發三之日  
栗烈無衣無褐何以卒歲二之日于耜四之日舉趾同我婦子  
饁彼南畝四之日于耜七月流火九月授衣春日載陽有山有庚  
女執懿節遵彼微行爰求柔桑春日遲遲采芣苢采芣苢女心傷悲  
吁及公子同歸七月流火八月萑葦隰月條桑采芣苢采芣苢以代  
藟揚荷彼女桑七月鳴鵲八月載績載元載翟我朱孔陽爲公  
子裳四月秀麥五月鳴蜩八月其穫十月千畝一之日于貉取  
彼狐狸爲公子裘二之日其同載績武功言私其利獻新于公



五月斯螽動股六月莎雞振羽七月在房八月在張九月在實

十月蟋蟀入我牀下豈無所歸哉嗟我婦子曰爲改歲

入此室處六月食鬱及薁七月亨葵及藿八月剝棗十月穫稻

爲此春酒以介眉壽七月食瓜八月斷蠶九月殺萑采荼薪樗

食我農夫九月築場圃十月納禾稼黍稷重穋禾麻菰麥嗟我

農夫我稼既同上入執宮功晝爾于時宵爾索綯亟其乘屋其

始播百穀二之日鑿冰沖沖三之日納于凌陰四之日其終獻

羔祭韭九月肅霜十月漚場朋酒斯饗曰殺羔羊騂彼公堂稱

彼兕觥萬壽無疆鄭元注詩者后稷之曾孫也公劉者自公

劉氏之孫也而國成焉其封域在豳有雍州岐山之北

周之太王又遷我狄之維而人處於岐陽民之

大其成王之入雖有其異山有亭舞之故皆能守而

之文之州致志其出入也一物不問純欬於公劉太公之  
所為太師太保其志正當於國公之碑後則其詩以為陶陶

毛詩大雅公劉章篇公劉既居既康廼場廼疆廼積廼倉廼張  
飯糧于彙于茲思輯用光弓矢斯張千戈咸揚爰方啟行篤公  
劉于胥斯原既庶既繁既順廼宜而無永嘆陟則在嶽復降在  
原何以州之維玉及珎韓韓容刀篤公劉逝彼百泉瞻彼溇原  
邇陟南岡乃觀于京京師之野于時處處于時廐旅于時言言  
于時語語篤公劉于京斯依跼跼濟濟俾筵俾几既登乃依乃  
造其曹執豕于牢酌之用匏食之飲之君之宗之篤公劉既溥  
既長既景乃岡相其陰陽觀其流泉其軍三單度其隰原徹田  
為糧度其夕陽幽居允荒篤公劉于南斯館涉渭為亂取厲取  
鍛止基廼理爰衆爰有夾其皇淵廼其止旅乃密芮鞠之

卽

孟子昔者太王居邠狄人侵之事之以皮幣不得免焉事之以  
犬馬不得免焉事之以珠玉不得免焉乃屬其耆老而告之曰  
狄人之所欲者吾土地也吾聞之也君子不以其所以養人者  
害人二三子何患乎無君我將去之去邠踰梁山邑于岐山之  
下居焉邠人曰仁人也不可失也從之者如歸市

孔叢子子思曰狄人攻太王太王召耆老而問焉曰狄人何來  
耆老曰欲得菽粟財貨太王曰與之與之至無而狄人不止太  
王又問耆老曰狄人何欲耆老曰欲得土地太王曰與之耆老  
曰若不爲社稷乎太王曰社稷所以爲民也不可以所爲民者  
以民也耆老曰君縱不爲社稷不爲宗廟乎太王曰宗廟者私  
也不可以吾私害民遂杖策而去過梁山止乎岐下而民之東

求修奔而從之者三千乘一止而成三千乘之邑

史記周本紀公劉卒子慶節立國於陶索隱曰陶即郿也古公

志云山州新平縣即漢漆縣慶節卒子皇僕立皇僕卒子差弗

立差弗卒子毀隃立音踰世本作擒○索毀隃卒子公非立

世本云公非辟方也公非卒子高圉立宗忠曰高圉能事社

索隱曰世本高圉卒子亞圉立都亞圉字○索隱曰漢書古今

表曰雲都亞圉弟按如此說則亞圉平子公叔祖類立索隱

本云太公祖類諸盤三代世表稱叔類凡四名皇公叔祖類卒

于古公亶父立古公亶父復修后稷公劉之業積仁行義國人

皆戴之薰育戎狄攻之欲得財物予之已復攻欲得地與民

皆怒欲戰古公曰有民立君將以利之今戎狄所為攻戰以吾

地與民民之在我與其在彼何異欲以我故戰殺人父子而君

之予不忍爲乃與私屬遂去幽渡漆沮徐廣曰水在杜陽岐山  
杜陽縣在扶風踰梁山止於岐下正義曰括地志云梁山在襄  
州好時縣西北十八里徐廣  
岐山在扶風美陽  
西北其南有周原幽人舉國扶老攜弱盡復歸古公於岐下  
班彪北征賦息郇邠之舊鄉慕公劉之遺德

地理志梅邑有幽鄉詩幽國公劉所都

括地志幽州新平縣卽漢漆縣詩幽國公劉所邑之地也

元和郡縣志三水縣古幽城在縣西三十里公劉始都之處

太平寰宇記三水縣古邠城在縣西南三十里有古邠城在邠

川水西蓋古公劉之邑卽此城也國都城記邠國者后稷之曾

孫曰公劉始都焉邠國名也與故梅邑城相去約五十餘里漢

志注云邠鄉是也

明邠州志三水縣古公鄉在縣東三十里

縣志古公鄉在縣南三十里上連土橋南卽公劉墓  
星衍校許君說文云邠周太王國在右扶風美陽從邑分聲陰  
美陽亭卽豳也民俗以夜市有豳山漢美陽今武功縣蓋許君  
所言太王止岐下之邠國也班固所言公劉始都之豳國也又  
說文云豳亭民俗夜市亦在美陽劉昭注郡國志所引新論則  
云卽在漆縣其民有會日以相與夜中市如不爲則有灾咎則  
豳亭夜市又在邠州豈太王遷國其俗亦遷故邪

### 右豳國

地理志栒邑縣卽曰左氏傳曰畢原鄆鄆文之昭也鄆侯賈伯  
伐晉是也臣瓚曰汲冢古文晉武公滅荀以賜大夫原氏豳是  
爲豳又云文公城荀然則荀當在晉之境內不得在扶風界

也今河東有荀城古荀國師古曰瓊說是也此枸頤與荀同白  
別邑耳非伐晉者

元和郡縣志三水縣枸邑故城在縣東二十里古鄒國也左傳  
云畢原鄒郛文之昭也

太平寰宇記三水縣鄒邑故城在縣東二十五里即漢枸邑屬  
右扶風有鄒鄉應劭注云左氏傳畢原鄒郛文之昭也荀侯賈  
伯伐晉是也漢為縣

史記高祖功臣侯表國名有恂侯功云以燕將軍漢王四年從  
曹咎軍為燕相告燕王荼反侯以燕相國定盧奴千九百戶高  
祖八年十月丙辰頃侯溫疥元年

漢書表作撈

按此是撈  
字之誤

史記索隱恂縣屬右扶風音荀故周文王封其子恂邑

左傳說文解字周武王所封國在晉地又杜預注春秋左氏  
師退軍于鄆云解縣西北有鄆城則瓚說是也周鄆國實不在  
此李吉甫司馬良貴承應劭之誤若漢初侯國實在此

右鄆國

劉昭注郡國志梅邑又有劉邑

是衍按此未詳所在

右劉邑

括地志三水縣西十里有幽原幽城在原上見玉海詩地理攷

右幽城

地形志三水有隨意城

是衍按此未詳

右隨意城



地形志爰得有邑城東魏城

星衍按爰得卽今原得里則二城或在境內

右邑城東魏城

縣舊志八王城在磨川中流周漢故縣也舊址猶存

右八王城

鄉鎮亭堡砦三

地理志右扶風梅邑有兩鄉

太平寰宇記三水縣舊十三鄉今十二鄉

明邠州志三水縣有三水里蒲鄉里北宮里南宮里職田里文  
義里焦鄉里金泉里爰得里豐泉里義豐里高平里有南頭鄉  
黃頭鄉黃祿鄉百子鄉彭城鄉係原得里地方有趙莊百堆頭  
北宮里地方有店頭鄉高平鄉係高平里地方有魏莊鄉

邨保安邨係南宮里地方

右鄉

金史地理志三水鎮一清泉

明弘治志三水縣有土橋鎮張空鎮職田鎮大羽鎮底廟鎮  
縣舊志職田鎮在縣東北三十里唐時以爲縣至憲宗復移舊  
治今城三里相傳爲尉遲敬德務農處廟址存焉張洪鎮在縣  
西三十里城週二里三分十二橋鎮在縣西南四十里當古公原  
之衝底廟鎮在縣北五十里城週二里二分太羽鎮在縣北二  
十里城週二里三分舊無鎮今無集市

右鎮

縣舊志陶亭在縣東北五十里  
又廣延亭新莽更三水縣爲此

星衍按廣延亭是漢三水改名其地在今甘肅涇州舊志誤載于此此廣延亭亦不著舊傳

右臨亭廣延亭之誤

涇州志三水縣有雙槐堡在縣西五十步四壁懸崖上二層共有平地二頃餘昔張思道李思齊據此今尚有防秋修築遺址極爲要地

縣舊志雙槐堡在縣西五十步四壁懸崖碧流東繞下有古槐一根二幹故名上有平地二頃官舍民屋卜居焉前高知縣創始今林知縣重修又云明季辛巳流寇猖獗知縣高知僉謀中築城登橋分立縣治倉庫於其上

國朝順治七年知縣王儒復申請葺脩歷年倉貯因之康熙乙卯丙辰間知縣林問舉衆修城垣橋道衙宇倉房題其堂曰井

守禦一邑保障也

林廷泰茭柳亭詩序甲寅乙卯間遭亂余城守戒嚴有云西

侯爲昔避患處官署倉庫在焉蓋圖諸余雖然非之繼逆氛  
猖獗及於雖人皆咎余守經而不知權余無以解乃嘆昔人  
初造良有深意且臨隙爲城保障因捐資鳩工仍舊址  
而鼎新之乙卯秋築石橋曰縣橋蓋周之初生始於陶所  
縣縣以處者丙辰夏葺其堂曰井勸按井爲幽分野而易云  
君子以勞民勸相竊有志焉復顏之曰鴻賓鶴和蓋一時之  
能高飛遠舉不得不冥冥以避弋藝而君子居其室出其言  
善則千里之外應之出身加民乃鶴和之義以自警也堂後  
築一亭取材於一槩而成文俶明先生手題曰茭柳甘陶令

門前種柳余今以柳爲亭斯亦倣陶之意而假明乃欲以柳倣棠國幽人忠厚遺風余竝愿然矣

舊志隴川堡在半川之後四面壁立渙淵環之隋大業間於立縣堡北臨河傳爲四仙驛遺跡存焉

右堡

縣舊志兩女砦去縣七十里地勢高聳南望平行麓有兩家砦焉舊傳秦扶蘇二女卜葬於此

右砦

三水縣志卷二

知縣鄒德新主修

陽湖孫星衍撰

山屬四

三水縣山名最古者周書度邑解云王乃辨汾之阜以望商邑  
今不知其何阜石門山乳史記括地志並云見于堯時今其半  
入淳化又太平寰宇記于縣載子午山馬嶺山女郎山今子午  
山馬嶺山半入甘肅興寧女郎山按元和郡縣志云洛原縣白  
於山一名女郎山在今甘肅安化縣界亦與縣境不甚遠而舊  
志空疏皆未及載今擬採焉其餘諸山經傳不著直見舊志方  
俗稱名而已

史記秦本紀獻公二十一年與晉戰于石門正義括地志云堯  
門山俗名石門在雍州三原縣西北上有路若門故老云堯鑿

山爲門因名之

地形志高平有石門山

元和郡縣志三水縣石門山在縣東五十里峯巖相對望之似門

太平寰宇記三水縣石門山王褒雲陽宮記東北有石門崗巖糾紛千霄秀出有石巖容數百人甘泉賦云封巒石闕施靡庫延屬

新唐書地理志三水有石門山

金史地理志三水有石門山

明邠州志石門山在縣東六十里俗傳秦太子扶蘇賜死處碑刻墮落不可考

縣舊志石門山亦名堯門堯鑿之以洩洪水至漢更名石門山

在縣東南爲國之鎮高峻插天對峙如門以漢武於此立觀爲名

星衍按石門之名在秦獻公時見史記秦本紀則括地志云俗名非

明劉翀石門卽事詩云峻嶒石壁千山遶豁達雙門一逕開更有藤蘿掩日月豈無龍虎出蒿萊空中樓閣供奇玩眼底風雲起俊才聞說扶蘇遺廟在年年烟雨爲誰哀

### 石門山

初學記水經注曰白水源出汾水嶺西

太平寰宇記三水縣翟道山一名子午山

按三水北與徵寧接界子午山在徵寧故云

縣舊志分水嶺當縣之東北九十里其嶺上接子午北入大漠東爲延州西爲慶州



星衍案初學記所載汾水嶺在鄜州三水正與鄜州接壤知汾水嶺卽縣志所云分水嶺

右子午山一名汾水嶺

太平寰宇記三水縣馬嶺山俗名箭括嶺抵慶州界有馬嶺水出焉

通志在縣西北六十里

右馬嶺山

元和郡縣志白於山一名女郎山

太平寰宇記三水縣華池女郎山並在郡邑

右女郎山

賈志中嶺在縣東堡嶺之石高下有穴數十容百人俗傳漢盧

芳所鑿今名官家洞

按盧芳所據三水在甘肅涇州非此三水

明邠州志官家石洞在縣東北三十里宋金人避兵于此其山高三百尺上有石室三百餘內有石門石坑石窗至正九年造有碑下有觀音湫

縣舊志亦名飛雲洞卽古公陶復陶穴者

元官家石洞碑

名失居士

蕭元義在御史見趙斯宿顯清縣尹

雖恭娘子張氏達魯花赤禿堅帖木兒夫人周氏趙氏亦居

此處四方常安黎庶普遷世事二年廣務農桑皆至正十九

年六月初六日後二十二年壬寅十一月黃鍾吉旦立石斯

寨也綠水崎嶇山名石秀前衝石門山後負兩女寨左有堡

嶺寺右有鷄阜山上一舍之餘山勢似龍虎爭鬬之形潤

溪如龍蛇盤曲之體先賢造作之遺跡也至正十一年辛卯

偶值東夷兵革漸至陝境官僚儒士庶賢愚皆願此洞潛

遁至癸卯隱居一十三年矣太平之年何日而獲故爲是題云

明文運熙飛雲洞開路記邑之東二十里有洞名官家古矣河環一帶之流山峙萬丈之巖石寶鑒其中高高下下參差於巖岫間者縣亘百里志云避兵而作也縣尹御史蕭居焉棧道連雲石梯落霞網戶萬啟星牕千開真幽之第一勝槩也柰歲久路湮不可階升故景雖奇而未嘗著聞者遊觀稀也邑之民李福趙介欲闢其路令僧眞普請命於邑侯秦可之作簿丐緣官捐其俸民輸其材鳩工數十以釐之石以爲階就基也木以爲檻防仆也邑之崇神者繪諸像於各祠中以壯觀焉肇役於萬厯己卯五日落成於庚辰陽之杪上吉日余以歲杳閑暇爰約金蘭徐步以遊則地不殊舊景益增

新臥被大虛之雲起鏡面岡之月風雨驟來空谷播絲竹之韻露霜偶凝庭宇砌瓊瑤之階八萬三千之戶不殊金樞七十四回之遊有同峻院日車駛於穴中雲衣生於石上易其名曰飛雲尤於洞爲不誣遊之探勝尋幽者見桃花夾岸知有問津之人望麻徑常憐不負遊山之夢覽斯記也不與歸盤谷之文遊赤壁之賦有同志者哉

右中嶺官家洞

明邠州志竹塔山在縣東四里又云密谷義谷麻谷俱在縣東三里竹塔田山之下

縣舊志形似七級浮屠亦石闕之支

右竹塔山

明邠州志雞阜山在縣東北二里

縣舊志雞阜山舊縣城址在其前侯君集家當其麓

右雞阜山

明邠州志黑石巖在縣東五十里

縣舊志巖色黝黑壁立萬仞林木陰翳

通志佛面坡卽黑石巖見名山記

右黑石巖

明邠州志蒲谷在縣東二十五里

右蒲谷

明邠州志甘谷在縣南十里舖

縣舊志爲赴省孔道水崎高低衢柳參差南上五里長阪通古

公原

右甘谷

明邠州志柳谷在縣南三十里

右柳谷

明邠州志後谷在縣北十里

右後谷

縣舊志堡嶺在縣東三十里卽漢之左谷後秦魏武王姚襄立寨三百六十堡嶺其一也上有元人所建閣若旁支俗名龍背孝子文少蒼易名龍山種柏千株翠色欲滴

右堡嶺

縣舊志石觔山亦名馬關在縣東十五里三面壁立如削一徑宛蟠水經其下彎環曲抱

右石觔山

賈志幽山一名翠屏山一名挂榜山在縣治南大雅所謂南岡

縣舊志峯有孫真人行祠元夕並二月二日隨山布鉦若列尾  
焉

右翠屏山

縣舊志焦家山在挂榜山南五里

右焦家山

縣舊志戴家山自石門北折入林木陰翳不復平曠

右戴家山

縣舊志蘭林山至縣六十里日出銜照丹霞掩映

右蘭林山

通志兩女砦在縣東北七十里其麓有兩冢俗傳爲秦扶蘇二  
女葬處

右兩女砦

縣舊志白虎谷在縣西北十五里卽唐鄭谷詩所謂谷諱白虎  
藏岩洞是

右白虎谷

縣舊志神林山在縣東七十里因有茂公祠得名

右神林山

縣舊志鳳皇山在縣西北隅同若鳳形稱有阿徒堡廢址存

右鳳凰山

縣舊志蟠龍山去縣三十五里

右蟠龍山

縣舊志劉家山在縣東四十里舊有炭窰康熙四十年久雨崩  
陷民失其利

右劉家山



縣舊志捫天嶺在石門南曰攬天嶺文翔鳳改名

右捫天嶺

縣舊志觀音巖在趙洞左上則藤蘿垂陰下有紆曲遇曠乾祈輒應

右觀音巖

縣舊志桑邨洞在官家洞左或爲元西臺御史桑哥失里所穿門依碧流攬勝所集

右桑邨洞

縣舊志趙家洞亦名琅天洞去縣二十五里光祿文翔鳳生于洞陽柏下其巖深長寬平可眺遠內有石室

右趙家洞

縣舊志流石洞右谷中環繞如城谷口對峙如門遠眺平田水

有枕流之想

右流石洞

縣舊志白石洞在縣東七里文倬天種桃百株其麓改曰桃洞  
洞春月紺紅如錦

右白石洞

水處五

點水見于書傳者有汾水最古周書王乃升汾之阜以望商邑  
汾字說文作汜汜汾聲相近也縣有分水嶺初學記云水經注  
有白水源出汾水嶺西知汾水嶺乃汾水嶺嶺以水名俗呼之  
分水耳樂史引水經以大陵水爲卽詩皇潤今水經無此文未  
知何据羅州水見元和郡縣志而舊志云又名勅修川爲後秦  
姚襄得名亦不知何出其餘諸小水皆是俗稱今考縣大小有

二曰汭水源出鄜川宜君縣界石門山西南流入縣界連家河水出縣東馬欄山西北注之汭水又西南東澗河水自城東門外東南注之汭水又西逕縣治南稍泉北入焉汭水又屈南西溪河水自城西南流注之次南溫涼河水出縣西寶峯谷南流注之汭水又西南蒼耳溝水西南注之汾水又西南至邠州界南入于涇曰羅川水出縣北分水嶺西南流大陵水自甘肅徵寧縣來西南注之羅川水又西南至邠州東北界南入于涇小水三曰梁渠川出縣北二十里西南流至邠州入于涇曰七里川出縣南六十里西南流至淳化縣入于涇曰清水出縣東石門山東南入西安府耀州界至涇陽縣北入于治谷水湫曰萬壽湫見新唐書觀音湫見舊志泉曰一泉金泉白馬泉稍泉松林泉今著于左

爾雅西至於邠國謂之四極

許君說文汭西極之水也从水八聲爾雅西至于汭國謂之四極

明邠州志三水縣三水河在縣南發源宜君縣競窩山西流四十里入于涇

西安府志汭川水源出石門山流合玉泉白馬泉稍泉故三水以名縣

縣舊志汭川在縣城抱南園亦名師水灌溉川田民獲其利過縣四十里入涇

右汭水一名三水河

金史地理志新平有濬水

星衍案汭濬聲相近疑一水

右潘水

太平寰宇記三水縣有古邠城在龐川水西

星衍案八龍聲亦相近疑亦一水

右龐川水

太平寰宇記安定縣洛水按水經云一名馬嶺川酈元水經注

云洛水又南經枸邑入涇

又三水有馬嶺山馬嶺水出焉

又珊瑚谷水水經云珊瑚水

是衍案此水今經長武縣入涇不經三水只藥史云經枸邑城

故載之

右馬嶺川一名洛水及野水

通志三水縣蒼耳溝在縣南十五里西南流入汭水

右蒼耳潄水

明邠州志三水縣金泉在縣北二十里車川邨其水色黃

縣舊志金沙泉通志云昔有人飲此水見金色燦爛故名之唐鄭谷詩所謂地湧金泉過石門

右金泉

明邠州志三水縣白馬泉在縣東大像寺之下

縣舊志白馬泉陰雨則伏而不流曠乾則湧而溢出莫測其異

右白馬泉

明邠州志三水縣稍泉在縣東三里四時常從高山湧出產礬

明文潄遊稍泉詩云幽徑蒼無際捫蘿到水頭看山僧共坐巖  
句鳥相酬雲落空潭影煙照古樹秋登高聊一望暮雨鎖煙樓

右稍泉

明邠州志三水縣玉泉在縣東二里玉泉觀左味甘美或浣穢衣卽涸

縣舊志甲寅夏知縣林逢泰禱雨于此立應

右玉泉

明邠州志三水縣松林泉在秦輝鎮松林城下水出如珠

右松林泉

縣舊志堡嶺泉名龍泉亦名天池在堡嶺絕頂四面石壁泉自嶺上直流而下昔元人據嶺汲飲不斷賴此

右堡嶺泉

縣舊志觀音湫去縣二十里凡遇天旱禱雨輒應

右觀音泉

縣舊志石門湫亦名乾湫在扶蘇廟下禱雨有應

星衍案此水今亦不經三水

右石門湫

詩夾其皇澗

太平寰宇記真寧縣有大陵水注水經云大陵山陵水出焉巡和南殊川西南逕寧陽縣故幽詩云夾其皇澗陵水卽皇澗也

案樂史所引水經今本皆無文

明邠州志三水縣支唐川在縣北三十里

縣舊志皇澗在縣北二十里當溥源之後俗譌名爲唐川

右支唐川一名大陵水一名皇澗

水經注五丈渠水出雲陽縣石門山謂之清水東南流逕黃嶽山西又東入祿祿縣

通志清水在三水縣東六十里源出石門山東南流入耀州界



右清水

元和郡縣志三水縣以縣界有羅川谷三泉並流故以爲號  
太平寰宇記真寧縣羅川水自彭原縣界流入又云羅川水出  
羅山

文獻通考三水有羅川水

金史地理志三水有羅川水

縣志勅修川在縣東北爲後秦姚襄得名源出分水嶺經延  
川南奔合泉湖達于涇水

通志勅修川一名羅川在縣東北二十里

右羅川一名勅修川

唐書地理志三水有萬壽湫大歷八年因風雷而成

明邠州志三水縣萬壽湫在故城北三十里

縣舊志涉在縣東二十五里當羅唐兩川之處

右萬壽湫

明邠州志三水縣梁渠川在縣北二十里

縣舊志過澗亦名梁渠在縣西北一十八里文與可丹淵集所謂三泉之炭泉者澗起於溥原自北而西南過境爲過澗星衍按唐昭仁寺碑云投過澗而自燕則此水名過澗或唐人有所指明邠州志文云梁龍澗在州西卽過澗又異

右梁渠川一名過澗

明邠州志三水縣蓮家河源出馬鬣山

縣舊志蓮家河在縣東十里發源石門繞中嶺北流入汭水

右蓮家河

明邠州志美原河流入於湮

縣舊志七里川在縣東南其地舊爲寧谷驛山回水折去佛而坡不遠

通志七里川一名姜原河在三水縣南六十里又云在淳化縣自三水流入又云源出石門山自三水縣西南流七里川又逕三里原爲姜嫄河

右七里川一名姜原河

明州志三水縣西三里冬溫夏涼故名

溫泉在寶峯谷中其流出爲溫涼河近寒不凍蘊隆生滋味甘

開錢若愚遊煖泉記三水之西有煖泉雖亢旱不竭近寒不漸故謂之煖泉又謂之溫涼河去城一里許北向而入有微逕過柳溪數十武兩岸如門磬折而入又數十武始隱其麓

登少壇寺寺岑寂無僧惟蘭若而已寺之左右一二居  
復穴居蓋邠之遺俗也迤西又數十武拾級而上山愈峻  
愈仄童子置之乃克登至此蓋三休矣俯視溪流微澗如  
因度之曰此泉之末流也諦視湍湍然聲沸之遠矣徐聽之  
水聲嗚咽洒洒然如風雨激之徐而觀聽之飛流觸石璚璚  
然如漱玉聲此源之將窮處也既而天日開朗石隙湏洞溪  
流澎湃瀉出於西山之間者愛泉也渴飲之味甘冽飢之故  
老云飲之能壯氣延壽願若且宜釀酒民爭引之灌田走畦  
可數百畝此泉之利用也仰觀懸崖瀑布疊流貫珠飛翠沾  
洒清冷逼人咸思長續矣積雪未消冰山在目宛然瓊岳也  
予曰噫嘻此亦醴泉也予雖過滁滁人共遊醴泉之盛今此  
愧無醉翁耳於時草木叢茂禽鳥鳴集惠風徐來人物熙暢

因與益齋陳子綿江王子竹軒子子喬生濟民張生騰雲萬  
生順寧李生子元劄官張祿暨厥子騰蛟輩環列而坐戲以  
酒卮效爲曲水流觴之飲溪凡九曲殺以三級命二三童子  
承杯上流信其所止而飲時薄暮弗暇爲詩又作爲小令使  
工人歌以侑觴任其首節之短長而止焉聲已而杯輒至由  
是咸弗勝飲者矣酒既古泉子豫之曰泉冽兮淋浪酒馨兮  
泛瓊漿飲且樂兮壽而康安得惠吾民兮澤四方歌既衆相  
稱賀曰今茲之遊亦則亭之勝事也予子咏歸之際述之爲  
記將以告夫後遊者

和溫涼河一名溫泉

縣舊志東澗河水在城東門外清流如練環堞注于八昔嘗  
入城今廢

古東澗河水

三水縣志卷三

知縣葛德新王修

陽湖孫星衍譔

城署開禧坊古陞六

明邠州志 水縣城圍五里三分成化十四年知縣楊豫成化二十一年知縣馬宗仁正德七年知縣趙璽嘉靖二十六年知縣蔣廷佩俱增修闊一丈三尺高三丈五尺池闊二丈五尺深一丈

縣舊志城周五里五分有奇西北枕山谷東南臨溪河門四知縣秦舉名其東曰寶陽南曰凝薰西曰志岐北曰拱辰歲久崩湮庚戌知縣何璽重修城樓曰舟翠樓

明李德裕修城池詔三水古幽谷也山環水繞地形完美周人基此以開王業秦漢隋唐皆爲近畿大邑此蓋圖志之可

考者也。有元至正十有八年，移置淳化縣，始廢明因之。成化丁酉，居民思復故邑，上陳制，下仍立三水爲縣。從民便也。壇社廟學官署，靡舍悉如城邑。惟城池門堞，則歷有十餘祀，經兩君而未有建焉。越丁未，新樂馬侯奉命來知縣事，將期月，紀綱粗布，懷念城池爲保民之具，王政之所不廢，且知民可使而力可爲也。乃謀及有衆，相土度工，經畫財用，從事土木。壯者借其力，富者勸其財，工惟其巧，農適其力。以日計者，若干；以工計者，若干。泉以緡計者，又若干。城之制，肩圍五里五分，有方豎高三丈，闊減丈之尺。上樹以堞，堞之下，濬溝爲濠，深丈有五尺。東西溪水復依濠而注之。四隅設關，以開門之制。以土爲胎，則甃以石，以木爲骨，則護以鐵。四隅設門，之上各建一樓，表瞻望也。功始於成化丁未十月，迄於宏治。

戊申三月落成之日官民有慶巍然爲一邑之保障真可以  
群敵而禦侮矣然是役也地勢崇卑率因舊址戒事成功悉  
從周制就利避害咨謀僉同及慰勞督勸則盡公之力而人  
不與焉嗟功成而民不勞費裕而民不怨侯之賢勞其至矣  
今季春候以築城之役雖涉分內而邑之新當亦托之金石  
以昭示後人也迺走書敝廬句文以記之余惟惜孔子之作  
春秋也一城垣之築必書于策雖以勞民爲重而下陽虎牢  
亦明其有不可不築者蓋古者聖人之垂訓必兼盛衰而立  
法世不大同官天下者既不可得家天下者亦必以城郭溝  
池爲固故世之欲禦患保民者亦不可不以設險守國爲重  
務也哉國家以文運綏太平百有餘年中飭儆守而於城池  
之備蓋惓惓焉其亦古人保民致治之至圖也今馬侯筮仕



之初獨能以此爲務亦可謂深知爲政之體矣不亦可嘉乎  
侯名宗仁字本元世爲新樂望族祖諱謹正統間由監察御  
史累遷都憲出撫河南風裁著於天下至今人慕之然則侯  
之爲政其亦有所自耶或曰馬侯之爲縣也未三載引西溪  
之水通流縣城人獲灌溉之利完逋負之稅致其復業戶有  
增羨之美扶善刈強興廢起墮善政纍纍下安而上獲已聞  
旌勞之榮是皆可紀者也豈獨城池爲然哉余目墮淚之碑  
循良之傳事國各有專主也余非隱人之善者特不敢諛且  
濫焉或曰唯遂書此爲創修城池記

右城

林逢泰舟翠 懷紀咏序余少誦詩至幽風竊嘆周家八百之  
盛始基之矣 夫子論樂云美哉蕩蕩乎樂而不搖洵非盛

也迫承乏茲邑身履其地跡其山川原隰與爲公劉章合破  
邑志又所稱東南之郁伯者恒在于斯而流風遺俗猶有存  
焉第兵燹以後瘡痍未起城郭榛蕪滿目蕭然且瘠土之民  
稼穡外無他業耳七月所載蠶績諸事邈焉難追僅陶穴風  
景不殊耳余竊以爲憂謬欲舉百廢而興之愧弗逮也廼捐  
貲鳩工先葺縣政之堂額曰思輯志復古也嗣自城垣戍樓  
爰及泮宮武庫漸次茨墜一時煥然耳目蓋勉循職業固守  
封疆非徒以肅觀瞻已也若夫丹翠一樓面山帶河懸崖幽  
广之中廓然大觀雖鷁鷁一枝而氣象萬千固已具豐鎬之  
榮矣於是邑之人士偕來遊者咸頌而樂之登眺歌咏各盡  
其興致所至或云猶幽人之頌余則何敢然余喜夫彈丸僻  
壤風雅弗墮則雖公劉卬伯之業不可復觀而撫今追昔其

亦有樂而不溺之遺意歟寧直屏山汎水增一佳話也耶  
尋逢翠幕看舟翠樓譙集詩序予重修邑城建南樓題曰角  
翠蓋取公劉舟玉之譙而翠屏山卽所謂迤陟南岡是也抑  
先聖有言君猶舟民猶水得天舟之義夫亦愈思水矣辛亥  
暮春告成集諸紳士落之文似明先生賦詩志歡適同人過  
此登覽和咏併錄以志風雅詩云恰攜春酒上層樓汎湖屏  
峰積翠收百重桑麻懸政拙數聲蛙鼓對琴謀鶯花繚繞雲  
侵袖雉堞飛翔不起洲滿座薰風憑剪拂何須姑射羨城頭  
林園珩和韻詩云孤城猶喜有南樓眺覽煙光几席收不盡  
風雲生筆興好將詩酒與山謀遠沙鷗白依寒渚隔岸峰青  
遠翠洲近憶故園丹荔熟輕簾移向洞軒頭

楊紹武丁巳春日登舟翠樓感懷用林彙齋明府樓字韻詩

云偶來遊目一登樓萬古風光次第收接檻攀峰皆北向環  
城誠派轉西流原田未改先農舊陶穴依然太古倚最是北  
隄參貢險連年鼓角動邊秋

右游翠樓

明雍州志三永縣縣治在布政分司之左大門一坐上有鼓樓  
五間二門收儲庫東連庫房西連幕亭儀仗所承發司吏戶禮  
兵刑工房各六間堂後有延賓堂退恩堂宅舍俱知縣楊豫建  
游亭劉儀建省耕樓錢若愚建西有典史宅馬房一所土地司  
監俱在儀門外

縣舊志縣治在當元廢縣時爲巡檢司至明成化年知縣楊豫  
築垣以二里三分高以二丈五尺內建正堂五間簷棚五楹後  
知縣秦渠又建講堂三間因年久傾圯己酉林知縣又修大堂

曰思軒後堂曰鑑水官衙在鑑水堂後正廳三間扁曰鑑香東  
西廂各三間舊爲庫幕廳俱在正堂之東邑庫之前東列架閣  
房吏戶禮房一十二間西列承發兵刑工房一十二間戒石亭  
在儀門內甬道中堂儀門三間角門二座迎賓館三間在儀門  
外土地祠三間在賓館右俱明嘉靖年建林逢泰重修省新樓  
在縣衙之東同亭在縣衙之左林知縣新建譙樓五間甃石作  
臺下爲大門知縣劉芳移鐘於士林逢泰重建旌善亭在譙樓  
南申明亭在旌善亭次

林逢泰同亭觀射詩序余公餘之暇閒步署旁周視有射亭  
舊址在瓦礫中爰闢其地命胥役壯丁習射以修武詩云二  
之日其同耄幽人遺風也亭之左右環植樹木尋得一井甃  
之以資灌溉令民興有願農圃者聽其自便亦與民同

之之意也仍舊址築一亭爲觀射之所歲甲寅重陽工成名  
之曰同亭偶集文似明司理王福守守戎張克其孝廉第五  
文昭子觀射似明賦詩因并紀之詩云築場爲國  
與民同迨茲鄉邦拜下風懸榻花前隨玉塵焚香夜半和光  
兼雲閣騰落銀如樹上騎輕雪滿弓極目郊原空抵掌且  
將莧菊莫論功

右縣署

縣舊志典史衙在縣西前廳三間正屋三間東西廡六間縣  
獄在捕衙之前建欽恤廡三間畫一祠一間

右典史署

明邠州志儒學在縣東成化十四年知縣楊豫建署縣事邠州  
近目喬茂亨重建教諭署一所訓導署一所學倉二間射圃在

文廟左今廢

縣志儒學明倫堂五間教諭宅在明倫堂後正廳三間廂房  
三間訓導宅在教諭宅右正廳三間西廂房三間博文約禮齋  
冬三間號房東西各七間門一建角門二座東曰起鳳門  
西曰騰蛟門桂林坊南街

右教諭訓導署

明州志儒學在縣前西向縣馬紫仁建醫學與陰陽學  
并社學並醫學并僧會司在縣東北大像寺內道會司在縣東  
北三里水泉寺內建濟院在縣北宮前二舍在縣西楊豫建有  
教諭亭劉儀建後倉侯臣建旌善亭在城舖右中街亭在城舖  
左

右陰陽學等

明邠州志市政分司在縣治西按察分司在縣治東府署在縣

治南石門巡檢司在石門山下今廢

縣舊志察院一座在縣治左廡宇久圯林知縣重修卽舊分司也

### 右行署廢署

縣舊志石門關在縣東南兩壁如門甃石爲城舊設巡檢司又于嶺上築岸門今巡檢司廢

### 右關

明邠州志三水縣西溪橋在迎恩門外杜家橋在西溪橋西二里赤道橋在杜家橋西五里暗橋在縣北支唐川岸兩傍縣崖中開道路嘉靖二十七年分巡道副使周洪範建鐵門一重

屋三間



縣志聚珍橋在縣西志岐門外知縣秦舉建今橋圯圻存便  
橋連西城通雙槐堡明末高知縣建年久水衝崩康熙乙卯林  
知縣重修名曰歸橋甃石架木上設堞牆以防不虞汎水橋在  
縣南門外夏秋泛漲冬月架木爲梁民不病涉土橋在鎮城東  
西門外東天橋久圯工大難成土人夾溪築小橋行旅便之其  
西橋數十武今亦崩壞林知縣捐貲募修以通往來細腰橋在  
縣西四十里接邠州界長六十餘弓平接兩岸細如蜂腰故名  
明張拱極聚珍橋記周禮合方氏掌達天下之道路津橋相  
輳不得陷絕故天想見而成梁慮民病涉也三水城西數里  
武許溪水自北界來帶縣而南其東西岸距城郭閒甚常衝  
也歲久滋深溪流滂沛行步艱難足脰瘡痍而攸往罔利矣  
對峯馬君情遊於此慨然嘆息謂鄉耆杜氏綏曰川渚之阻

則濟梁之便民事也此司牧者之責耳廢弛玩愒漫不葺理  
非予之任而誰耶蓋避嫌者牽顧慮之私而因循者憚經營  
之勞卽廟廊學宮敗圯殘宇草礫相依犬豕交跡莫之問也  
而況於此橋乎延捐金暨米穀若干資邑民之能幹者募草  
若許世經李乾李艾等委以經度物侵其價工侵其貨宛石  
爲骨齒土爲基歷數月而橋成焉君遽幣祭祠於予曰鄭子  
產以聚輿濟人於溱洧孟軻氏尚譏不知爲政耳僕公知憫  
之必亡亦以川無梁也橋之修豈淺鮮哉君以明農之身歿  
然堂之乃爲司牧者所未爲則其德惠之及民豈徒見於尹  
鄉堂時已因是悉君之存心矣是役也經始於萬曆八年二  
月二十五日落成於九年三月十五日其衆輸若干所費若干  
不具述惟述登橋之意利民用用著君之績君名秉直字

義浩爲予姻親築半鄉寧政聲藉甚其先君雙椿翁賢若兄南峯以高義慕義無窮凡邑內廟觀多所創修故君之率作厥有所自云

明文雖厚高邑侯創建通堡石橋記維我邑峙鹵極之陶實壑三陸之吭八水之門庭也茲者流寇倏爲出沒窟每嘆防守之難後有縣之有翼曰西堡與城犄角立迺古李思齊屯兵舊處離城僅一水隔誠唇齒之要壘也我高侯暨圖邑紳衿會議城壘增修深溝高壘更建一石漆通有夏則聯堡以衛民無事則九泥以自固甚盛舉也於是準地程天鳩財殖日版麥肇興井田運動侯賦謂師多近百兩給玉環迨士庶完歲輸乃始有乃乃始變厥舉焉以一載餘而功竣報當此三冬四盡萬難措手之候亦當其時矣功刻香寶錄而永登

猝爾立津梁猝爾起匪侯愛民之苦心形之蕭率民諒族之  
至計竭之興作烏能觀成若此哉自是或有侵威而城藉堡  
堅堡藉城固則民弗苦寇蠶或有遺訓而丁威禦城婦女  
堡則民弗苦兵難或有惺寐而緩急可由城之堡亦可由堡  
之城則民又弗苦水怒一舉而三善倭焉余於斯橋亦云謹  
志之一片石崇禎壬午仲夏朔旦

按文敏鳳好用古字此記  
梁字斐即事字賦即

獨字正即工字早逸即嗣後字器婆即共襄字否即期字或  
即戎字或即勇字性即任字後即備字文誠可為好古者然  
識字人見之無奇使世俗  
者茫然莫辨亦可以已矣

縣冊土橋在鎮城東門外崩壞已久商旅病涉乾隆四十七年  
署知縣齊球捐俸重修以利攸往立有碑記

縣冊野茅溝在土橋鎮東南十里舊本無橋因雨衝崩險側難  
行乾隆四十二年創修土橋一座以通往來

右橋

明邠州志登瀛坊爲馬良佐建鄉貢進士坊爲文宗建桂林坊在儒學大門外毓秀坊在儒學二門外

右坊

縣冊看花官去城三十里舊名花谷俗謠爲官世傳唐尉遲敬德植杜冉于此今有趾存

右古趾